

Headline	TH bantu calon UPSR		
MediaTitle	Berita Harian		
Date	07 May 2015	Color	Full Color
Section	Supplement	Circulation	314,000
Page No	15	Readership	942,000
Language	Malay	ArticleSize	663 cm ²
Journalist	Mohd Rafi Mamat	AdValue	RM 22,854
Frequency	Daily	PR Value	RM 68,563



Calon UPSR yang mengikuti Seminar Bimbingan Peperiksaan UPSR di Dewan Tan Sri Yahaya Ahmad, Institut Kemahiran MARA, Pekan, Pahang.

[FOTO MOHD RAFI MAMAT/ BH]

» Komited anjur program di Pekan, Raub tingkat pencapaian murid

Oleh Mohd Rafi Mamat
upen@bh.com.my

► Pekan

Tabung Haji (TH) Pahang membantu calon Ujian Pencapaian Sekolah Rendah (UPSR) dengan menganjurkan dua program khas di negeri itu.

Seminar Bimbingan Peperiksaan UPSR dengan kerjasama BH itu berlangsung di Pekan dan di Raub baru-baru ini.

Pengurus TH Pahang, Mohammad Mokhzani Mukhtar, berkata kira-kira 250 calon UPSR dari sekitar Raub dan Maran mengikuti program yang

berlangsung di Sekolah Menengah Kebangsaan Gali, Maran.

Katanya, seramai 250 calon dari sekitar Pekan pula mengikuti program di Dewan Tan Sri Yahaya Ahmad, Institut Kemahiran MARA, dekat sini.

Tiga kertas

"TH Pahang dengan kerjasama BH membantu calon UPSR mengulang kaji dan meningkatkan kemahiran menjawab soalan bagi subjek Sains, Bahasa Melayu dan Matematik.

"Kami berharap mereka akan mencatat keputusan cemerlang di dalam peperiksaan nanti," katanya selepas Seminar Bimbingan Peperiksaan UPSR di Pekan, baru-baru ini.

Yang turut hadir ialah Penyunting Eksekutif BH, Muhd Fakhri Alias.

Program sehari itu dikendalikan oleh guru pakar BH Didik.

Mohammad Mokhzani berkata, TH Pahang akan menganjurkan Seminar Bimbingan Peperiksaan Sijil Pelajaran Malaysia (SPM) di Kuala Lipis.

Mahu jadi guru

Sementara itu, murid Sekolah Kebangsaan (SK) Ahmad, Pekan, Sh Anas Danial Sh Roslan, 12, berkata beliau mendapat banyak maklumat baharu menerusi seminar berkenaan.

Katanya, penceramah BH Didik berjaya memberi teknik mudah untuk mengulang kaji setiap subjek.

"Saya berharap akan mendapat keputusan 5A dalam UPSR tahun ini," katanya yang bercita-cita menjadi guru.

Latihan berterusan

Siti Sarah Sofia Ahmad

Shukri, 12, murid SK Tanah Putih, di sini, berkata peluang mendapat keputusan cemerlang semakin cerah apabila dibekalkan dengan teknik mengulang kaji yang betul.

"Saya akan gunakan sepenuhnya masa yang ada untuk mengulang kaji, seterusnya melakukan latihan tubi menjawab soalan peperiksaan.

"Latihan ini dapat menambahkan lagi kemahiran menjawab soalan, seterusnya berpeluang mendapat keputusan terbaik," katanya.



Guru pakar BH Didik memberi penerangan kepada peserta seminar di Pekan, Pahang.